

ELYSIUM

Nr. 8 Prishtinë, Mars 2007





**Anonim
&
Konfidencial**

Nëse jeni seksualisht aktiv
kujdesuni për shëndetin tuaj

TESTOHUNI

Për HIV / AIDS

Në Qendrën tonë për
Këshillim dhe Testim
Vullnetar



Testimi i juaj shpërblehet

Qendra për Këshillim dhe Testim Vullnetar - QKTV
është në dispozicionin tuaj prej

12:00 - 20:00

Nga e hëna deri të premten

Rezultati i testit tuaj do të jetë **konfidencial**

Vetëm ju dhe këshilltari do të dini rezultatin

Testi i juaj do të jetë **anonim**

Askush nuk do të di emrin tuaj

PËRMBAJTJA

<i>17 maji, dita ndërkombëtare kundër homofobisë</i>	<i>4</i>
<i>Britania e Madhe do të lejojë lezbikeve mbarsje artificiale. . .</i>	<i>5</i>
<i>Gjyqi Brazilian e lejoj përvetësimin gej</i>	<i>5</i>
<i>Personat LGBT në Rusi kërcënohen me burg</i>	<i>6</i>
<i>Gej paradat 2007 nëpër Evropë</i>	<i>7</i>
<i>Kuptimi i çështjeve seksuale dhe këshillimi rreth tyre.</i>	<i>8</i>
<i>Si bëjnë seks çiftet lezbike.</i>	<i>9</i>
<i>Zhvillimi i identitetit dhe i identifikimit seksual.</i>	<i>10</i>
<i>Homoseksualiteti në Shqipëri në shek. XIX.</i>	<i>12</i>
<i>Freddie Mercury.</i>	<i>13</i>
<i>Kabineti Italian shqyrton ligjin për bashkëjetesë civile.</i>	<i>14</i>
<i>Meksiko Siti miratoi ligjin për partnerët njëgjimorë</i>	<i>15</i>
<i>Çiftet gejë në Kolumbi fitojnë më shumë të drejta.</i>	<i>16</i>
<i>Morrat Pubike</i>	<i>17</i>
<i>Zgjedha</i>	<i>18</i>

17 Maji, Dita ndërkombëtare kundër homofobisë

Më 17 maj 1990, asambleja e përgjithshme e Organizatës Botërore të Shëndetësisë e ka hequr homoseksualitetin nga lista e saj e çrregullimeve mendore.

Lufta për të njohur të drejtat e barabarta për personat gejë, lezbike, biseksualë dhe transgjinorë akoma nuk ka përfunduar.

Sot rreth 80 shtete të botës ende e kriminalizojnë homoseksualitetin dhe i dënojnë me burgim aktet seksuale me pëlqim të personave të gjinisë së njëjtë, nga këto 9 shtete (Afganistani, Irani, Mauritania, Nigeria, Pakistani, Arabia Saudite, Sudani, Emiratet e Bashkuara Arabe dhe Jemeni) ende e kanë dënimin me vdekje. Diskriminimi në bazë të orientimit seksual dhe identitetit gjinor ende nuk janë formalisht të njohura nga shtetet anëtare të OKB-së (edhe pse mekanizmat e të drejtave të njeriut siç është Komiteti i të drejtave të njeriut, i ka dënuar në mënyrë të vazhdueshme diskriminimin në bazë të orientimit seksual dhe identitetit gjinor).

ILGA luftoi kundër diskriminimin dhe njohjen e të drejtave të gejeve, lezbikeve, biseksualëve dhe transgjinorëve që nga themelimi i saj në vitin 1978. Kjo është edhe arsyeja pse ILGA është e zotuar fuqishëm për të kremtuar Ditën ndërkombëtare kundër homofobisë, që është kremtuar për herë të parë nga IDAHO (International Day Against Homophobia).

Në vitin 2005 IDAHO ka kremtuar në më shumë se 40 shtete, nga Franca deri në Hong Kong. Shumë iniciativa të

ndryshme janë ndërmarrë dhe u mbuluan gjerësisht nga mediat. Në Iran , për inat të homofobisë brutale të qeverisë, IDAHO ka folur për këtë në një numër të madh të ditareve elektronik publik dhe në mijëra e-maila. Në Kiev, Ukrainë, u lëshua një balon i madh në të cilin shkruante "Thuaji jo homofobisë".

Të gjithë mund të kontribuojmë në krenimin e ditës ndërkombëtare kundër homofobisë duke organizuar aheng, protestë apo ndonjë iniciativë tjetër që do të shtonte dukshmërinë në vendin tuaj.

Ju lutemi që të bartni mesazhin në çdo shtet të botës: 17 maji është Dita ndërkombëtare kundër homofobisë, është për homofobinë nga e cila ju duhet të frikësoheni, jo gejët!




Britania e Madhe do të lejojë lezbikeve mbarsje artificiale

Qeveria britanike është e gatshme që ta heq ligjin i cili kontrollon kush ka të drejtë për mbarsim artificial, që shfrytëzohet si pengesë lezbikeve për të marrë fëmijë. Pritet që ndryshimi i ligjit të lajmërohet gjatë fjalimit hyrës të sesionit të ri parlamentar nga mbretëresha këtë javë.

Sipas ligjit të deritanishëm mjekët duhet të marrin parasysh "nevojën e fëmijëve për baba" kur të vendosin se a do t'i nënshtrihen femrat mbarsjes artificial apo jo.

Kjo formë shfrytëzohet për futjen e grave të pa



martuara e sidomos lezbikeve.

Përfaqësuesi i qeverise britanike tha që kabinetit të Blerit iu është theksuar që kjo masë shkel aktin e të drejtave të njeriut dhe ligjin evropian për të drejtat e njeriut.

Grupet religjioze konservatore janë kundër këtyre ndryshimeve.

"Heqja e këtij gjesti simbolik ndaj rolit të babait është diskriminim ndaj meshkujve dhe për çështjen e mbarsjes korrekte" tha Josephine Quintavalle nga organizata Etika Produktive.

Gjyqi brazilian e lejoi përvetësimin gej

Gjykatësi në Sao Paulo vërtetoi vendimin e gjyqit të ulët në të cilin lejohet përvetësimi i vajzës pesë vjeçare nga ana e një çifti gej. Njëri prej partnerëve, Vasco Pedro da Gama, sapo e ka përvetësuar një vajzë. Partneri i tij Dorival Pereira de Carvalho, kërkoi që në certifikatën e lindjes së vajzës të shënohet emri i tij si prind i dytë.

Në korrik gjyqi mori vendim se nuk ekziston asnjë arsye me vlerë për çiftet e gjinisë së njëjtë që të mos përvetësojnë fëmijë.

Dy çifte lezbike më herët fituan të drejtën për përvetësim, kurse këtë të drejtë gjyqi nuk ia lejoi çifteve gejë.

De Gama 33 dhe de Varvalho 41 vjeçar, pronarë të agjencisë për modele dhe salloni të kozmetikës, që 14 vite janë bashkë. Ky çift është takuar me

psikologë, punëtorë social dhe gjyqtarë publik para se të vinin para gjyqit me argumentin që Këshilli i Psikologëve të Brazilit lajmëron se "Homoseksualiteti nuk është sëmundje, as çrregullim e as perversion".

Ky çift lajmëroi se kanë dëshirë të përvetësojnë edhe një vajzë prej 2 deri 4 vjeç.

Bashkësitë popullore njëgjimore në Brazil janë të lejuara në krahinën e Rio Grande do Sul. Grupet LGBT luftojnë që kjo e drejtë të zgjerohet edhe në pjesë tjera të vendit.



Personat **LGBT** në Rusi kërcënohen me burg

Në Rusi mund të aprovohet ligji i cili përsëri do të kriminalizon homoseksualitetin.

Me këtë ligj do të ngritën dënimet me burg deri në pesë vite për secilin që do të akuzohet si ushtrues i seksit të gjinisë së njëjtë.

Ligji i ri, i cili të hënën u prezantua në "Donjem domu", gati është i njëjtë me ligjin e Stalinit të vitit 1933, me të cilin homoseksualiteti dënohej me pesë vite punë të rënd.

Ligji i deputetit Nikola Kurjanoviçit përsëri do të jetësojë praktikën me të cilën të drejtat elementare të komunitetit gej, pikërisht takimet dhe parada do të jenë të ndaluara.

Seksi ndërmjet personave të gjinisë së njëjtë është dekriminalizuar në vitin 1993, si rezultat i rënies së komunizmit, por gjatë viteve 1980, meshkujt gej dhe lezbiket në formë rutine janë vendosur në spitale për shërim, ku janë detyruar të marrin barna.

Nuk është e qartë se deri kur do ta shtyjë propozim ligji i Kurjanoviçit, sepse nuk e përkrah asnjë parti. Megjithatë ligji e ka përkrahjen e komunistëve dhe Kishës ortodokse ruse.

Muajin e kaluar kryetari Rus akuzoi homoseksualitetin me murtajën e bardhë në Rusi, për deri sa kryetari i

Moskës, Lushkov ndaloi mbajtjen e paradës gej në Maj, duke i quajtur "djallëzore".



Aktivistët gejë Rus kanë ngritur padi kundër qytetit të Moskës për ndalimin e paradës gejë vitin e kaluar në Gjykatën evropiane për të drejtat e njeriut në Strasburg.

Në padi Moska akuzohet për thyerjen e të drejtave në lirinë e grumbullimit, e të drejtës në mbështetje gjyqësore dhe thyerjen e ligjit të diskriminimit nga Konventa evropiane e të drejtave të njeriut ku Rusia e ka nënshkruar.

Përkundër deklaratës së Lushkovlenit se paradat gejë "ndoshta janë të arsyeshme për shtetet perëndimore progresive, kurse për Rusin jo", ai përsëri vërteton se parada e vitit të kaluar është ndaluar për arsye të sigurisë. Ai kërcënoi se do ta ndalojë paradën gej edhe këtë vit, e cila është caktuar për muajin Maj 2007.

Grupet për të drejtat gej thanë se do të kundërshtojnë këtyre ndalesave, njësoj si vitin e kaluar.



Gej paradat 2007

nëpër Evropë

Qyteti	Shteti	Data	Qyteti	Shteti	Data
Prill			Londër	UK	30 Qershor
Krakov	Poloni	21 Prill	Lublinë	Siloveni	30 Qershor
Chisinau	Moldavi	27-29 Prill	Paris	Francë	30 Qershor
Maj			Vienë	Austri	30 Qershor
Bergen	Norvegji	28 Prill – 5 Maj	Zagreb	Kroaci	27 Qershor – 1 Korrik
Bruksel	Belgjikë	12 Maj	Augsburg	Gjermani	30 Qershor
Varshavë	Poloni	19 Maj	Trier	Gjermani	30 Qershor
Birmingham	UK	26-28 Maj	Oslo	Norvegji	22 Qershor – 1 Korrik
Moskë	Rusi	27 Maj	Madrid	Spanjë	22 Qershor – 1 Korrik
Qershor			Korrik		
Riga	Letoni	31 Maj – 3 Qershor	Budapest	Hungari	5-8 Korrik
Luksemburg	Luksemburg	2 Qershor	Porto	Portugali	7 Korrik
Nantes	Francë	2 Qershor	Köln	Gjermani	6-8 Korrik
Aberdeen	UK	2 Qershor	Oxford	UK	14 Korrik
Lille	Francë	2 Qershor	Leipzig	Gjermani	14-21 Korrik
Kiel	Gjermani	2 Qershor	Frankfurt	Gjermani	20-22 Korrik
Zürich	Zvicërr	1-3 Qershor	Stuttgart	Gjermani	21-29 Korrik
Bukuresht	Rumani	6-9 Qershor	Nottingham	UK	28 Korrik
Dresden	Gjermani	4-10 Qershor	Gusht		
Toulouse	Francë	8-29 Qershor	Belfast	Irlanda Veriore	28 Korrik – 4 Gusht
Strasbourg	Francë	16 Qershor	Hamburg	Gjermani	3-5 Gusht
Manchester	UK	16 Qershor	Nürnberg	Gjermani	3-5 Gusht
Düsseldorf	Gjermani	16-17 Qershor	Amsterdam	Holandë	3-5 Gusht
Berlin	Gjermani	16-24 Qershor	Stockholm	Suedi	30 Korrik – 5 Gusht
Dublin	Irlandë	8-24 Qershor	Reykjavik	Islandë	9-12 Gusht
Athinë	Greqi	23 Qershor	München	Gjermani	11-12 Gusht
Lisbonë	Portugali	23 Qershor	Kopenhagë	Danimarkë	18-26 Gusht
Marseille	Francë	23 Qershor	Dortmund	Gjermani	25 Gusht
Edinburgh	UK	23 Qershor	Manchester	UK	17-27 Gusht
Lyon	Francë	15-28 Qershor	Shtator		
Helsinki	Finlandë	25 Qershor – 1 Korrik	Cardiff	UK	1 Shtator

Kuptimi i çështjeve seksuale dhe këshillimi rreth tyre

Historikisht, kujdesi shëndetësor që iu është ofruar minoriteteve seksuale, ka qenë më se i pamjaftueshëm, pjesërisht për shkak se ofruesit e kujdesit shëndetësor nuk kanë qenë të edukuar sa duhet për ta fituar një kuptim të drejtë të çështjeve të orientimit seksual; pjesërisht për shkak të qëndrimeve negative të mjekut ndaj homoseksualitetit; dhe pjesërisht për shkak se deri në vitin 1970, shqetësimet e lezbikeve, gejëve dhe të biseksualëve kanë qenë të fshehura dhe nuk janë kuptuar si duhet.

Ky kapitull fillon me rishqyrtimin e informacioneve të prapaskenës që të gjithë profesionistët shëndetësorë duhet t'i dinë sa i përket orientimit seksual, pastaj vazhdon me ekzaminimin e çështjeve specifike shëndetësore që kanë të bëjnë me orientimin seksual.

Historia e qëndrimeve mjekësore ndaj homoseksualitetit

Ata pacientë, të cilët u tregojnë mjekut të tyre që janë gejë ose biseksualë do ta bëjnë këtë për një mori arsyes; për shembull: dëshirojnë të diskutojnë për këtë fushë me qëllim që të fitojnë këshillim seksual, pastaj besojnë se këto informacione do ta ndihmojnë menaxhimin mjekësor, ose thjesht sepse janë "homoseksualë publik" dhe

dëshirojnë të jenë të rëndësishëm në aspektin demografik - njëjtë sikurse pacientët heteroseksualë që mund ta përmendin se janë të martuar.

Megjithatë, tendenca për të qenë homoseksual publik te profesionistët mjekësorë (në mes tjerash) është fenomen social relativisht i ri. Një gjë e tillë është nxitur nga lëvizjet e paradave të gejve në vitet e 70-ta dhe është bërë e nevojshme për meshkujt gejë dhe femrat lezbike për shkak të HIV-it në vitet e 80-ta dhe të 90-ta.

Në vitin 1980, Dardick dhe Grady zbuluan se në SHBA më pak se 50% e meshkujve gejë që kanë dalë publik u kanë treguar ofruesve të tyre të kujdesit p r i m a r shëndetësor që janë gejë. Dikush mund të hamendet se për ata homoseksualë të

fshehtë, shifrat kanë qenë më të vogla. Në Australi, mbi 20% e meshkujve homoseksualë që kanë manifestuar infeksione seksualisht të transmetuara nuk i kanë treguar mjekut personal, se infeksioni i tyre është fituar nëpërmjet marrëdhënieve homoseksuale.

Fatkeqësisht, njëra prej arsyeve për këtë është se $\frac{3}{4}$ e mostrës prej 1000 mjekëve ka pranuar se me të kuptuar se pacienti është homoseksual, dëmshëm do të ndikonte në menaxhimin e tij mjekësor. Në vitin 1980, 84% e mjekëve amerikan



të anketuar janë pajtuar se pacientët homoseksualë ngurrojnë që ta kërkojnë ndihmën mjekësore, për shkak të mosmiratimit të mjekut.

Në vitin 1981, Davison dhe Friedman kanë zbuluar se kur dy grupeve të psikologëve u është dhënë historia e një mashkulli, dhe njëri prej këtyre grupeve u është thënë qëllimisht se pacienti është homoseksual, shumica e problemeve të pacientit nga grupi i tillë kanë qenë të konstruara në kuptimin seksual dhe në aspektin seksual është përqendruar më së shumti. Duket se paragjykimet emocionale, zakonisht të aktivizuara nga mungesa e informacioneve të besueshme, ka pasur ndikim të dëmshëm si në trajtim ashtu edhe në këshillim të pacientit. Andaj, së paku gjer

më tani, qëndrimi negativ i mjekut ndaj homoseksualitetit duket të ketë ndikuar negativisht në ndihmën e ofruar mjekësore personave homoseksualë. Shlits e identifikon këtë ndikim negativ të mjekut ndaj homoseksualitetit si një nga disa faktorët që i parandalojnë profesionistët shëndetësorë nga përgjigja ndaj epidemisë së AIDS-it. Neglizhenca e tillë fajësuese e mjekut duke "vënë benzinë në zjarr" në një epidemi nuk guxon të lejohet më të ndodhë.



Si bëjnë seks çiftet lezbike

Janë shumë mënyra që gejtë dhe lezbiket mund të bëjnë seks me partnerët e tyre. Këtu përfshihen: puthjet, masturbimi, masazhet erotike, fërkimi i trupit, fantazia dhe përdorimi i lodrave seksuale për stimulim, anal, vaginal dhe të klitorisit.

Këto lloje të lodrave seksuale ndryshe quhen edhe "outercourse". Gjithashtu shumë njerëz e pëlqejnë seksin oral.

Çdokush është i ndryshëm kur vjen në shprehje kënaqësia seksuale. Njerëzit kanë dëshira të ndryshme dhe vetëm ju mund ta dini se kur ndjeheni mirë.

Lezbiket nuk kanë nevojë të brengosen rreth shtatzënisë së përderisa bëjnë seks me femra tjera, por brengosen për ta mbrojtur veten kundër infeksioneve seksualisht të transmetuara. Megjithatë,

përqindjet e transmetimit janë të vogla për femrat që kanë seks me femra, megjithatë ka mundësi që lezbiket të infektohen dhe të bartin infeksionin.

Lezbiket mund të zvogëlojnë rrezikun për infektim në të njëjtën mënyrë sikurse edhe heteroseksualët, nëpërmjet seksit të sigurt, duke përfshirë sjelljet me rrezik të ulët dhe duke përdorur barrierat e lateksit, siç janë prezervativët, dorëzat dhe barrierat tjera me material nga lateksi.



Zhvillimi i identitetit dhe i identifikimit seksual

Identiteti dhe përshtatja jonë seksuale nuk zhvillohen në një vakum, por marrin formë nga kuptimet familjare, sociale dhe kulturore të asaj se çka nënkupton tërheqja ndaj gjinisë së njëjtë dhe gjinisë së kundërt. Coleman dhe Cass i kanë propozuar shembujt e zhvillimit të identitetit homoseksual që do të mund t'i ndihmonin profesionistëve në vlerësimin dhe kuptimin e stadeve të të dalit publik ndaj vetvetes të homoseksualitetit. Që të dy modelet e theksojnë nevojën për qeniet njerëzore që të zhvillohen; me qëllim që ta identifikojnë orientimin seksual dominues; t'i zgjedhin komplikimet intrapsikike, interpersonale dhe ato sociale të identitetit të tyre të orientimit dhe ta integrojnë seksualitetin e tyre në kuptimin më të gjerë të vetes për funksionim të shëndetshëm seksual dhe mental. Dështimi në zgjidhjen e dilemave dhe të pyetjeve rreth orientimit paraqet rrezikun për shpirje deri tek infantilizmi i seksualitetit ose kthimi në një stad të mëhershëm të shoqëruar me shqetësim psikik dhe ndikim afatgjatë negativ në shëndetin mental.

Teoria e pjekurisë e kombinuar me studimet psikologjike të cituara më lartë, sugjerojnë se shumë, nëse jo shumica, njerëz i zgjidhin dyshimet rreth orientimit të tyre seksual duke u identifikuar si homoseksualë-gejë, heteroseksualë dhe disa si biseksualë, edhe pse




atraksionet dhe dëshirat e tyre të brendshme janë më komplekse sesa që këto emërtime përshkruajnë. Si modeli i Coleman-it ashtu edhe i Cass-it e theksojnë rëndësinë që pranimi dhe përjetimi i orientimit seksual në mënyrë pozitive ka për shëndetin mental të njerëzve.

Modeli i Cass-it i parashtron 6 stade të zhvillimit të identitetit homoseksual te një individ.

1. Konfuzioni i identitetit

2. Krahasimi i identitetit
3. Toleranca e identitetit
4. Pranimi i identitetit
5. Krenaria për identitetin
6. Sinteza e identitetit

Konfuzioni i identitetit paraqet fazën kur individët ndihen se janë ndryshe nga të tjerët dhe se ndjenjat ose sjellja e tyre mund të emërtohet si homoseksuale. Stadi i dytë, krahasimi i identitetit, është kur individët e bëjnë përkushtimin e parë ngurrues ndaj identitetit homoseksual dhe realizimit të të qenit homoseksual deri në njëfarë shkalle.



Me tolerancën e identitetit tek individit vjen deri te njohja se ai ose ajo ndoshta është homoseksual dhe paraqitet një shkallë zotimi ndaj këtij identiteti. Në stadin katërt, stadin e pranimit të identitetit, individit e pranon emërtimin si homoseksual, së paku në shoqërinë gejë dhe fillon

të shoqërizohet brenda nën kulturës gej. Stadi i krenarisë së identitetit shënohet me hapje të gjerë dhe aktivitet të hapur dhe e përshkruajnë gjendjen ku çdo gjë që individi bën, definohet pikë së pari nga homoseksualiteti i tij ose i saj. Në këtë stad, identiteti qendror i personit është si homoseksual.

Stadi i gjashtë i modelit të Cass-it është ndoshta njëri që ka stimuluar më së shumti debate. Tek individi, qëndrimi i homoseksualëve "ata kundër neve" zbehet dhe zëvendësohet me një gjendje kur identiteti homoseksual i personit shikohet si të qenët një seri e identiteteve, por jo një që i definon të gjitha aspektet e jetës së personit. Individi, me këtë, mund ta shoh se të jesh homoseksual është një çështje e rastësishme si një besim politik ose profesion dhe jo si diçka që ai ose ajo është gjatë tërë kohës. Është me rëndësi që seksualitetin e pacientëve ta trajtojmë varësisht nga niveli i pranimit në të cilin ndodhen dhe jo të mundohemi t'i shtyjme shumë shpejtë në këto stade. Duhet t'i lejojmë t'i arrijnë këto stade me kurajë, në ritmin e tyre.

Coleman-i, gjithashtu, i ka përshkruar stadet e formimit të identitetit homoseksual.

Stadet e tij janë siç vijon:

1. Para të dalit publik
2. Të dalët publik
3. Gjurmimi dhe eksperimentimi
4. Lidhja e parë
5. Integrimi

Secili stad i procesit të të dalit publik paraqet sfida të veçanta shëndetësore si për ofruesin e ndihmës shëndetësore ashtu edhe për pacientin. Duke i shfrytëzuar stadet e të dalit publik të Coleman-it, Rosser-i ka identifikuar çështjet klinike të shoqëruara me secilin stad të procesit. Gjatë stadi të parë, para të dalit publik, aspekti mbizotërues klinik

është shqetësimi për orientimin. Pacienti mund të jetë i demoralizuar rëndë madje edhe suicidal. Gjatë të dalit publik, shfaqen dhe dominojnë konflikte interspikike dhe interpersonale. Gjatë stadi të tretë të Coleman-it, eksplorimit, është me rëndësi që ofruesi i ndihmës ta miratojë eksplorimin e seksualitetit të personit, si sfida që duhet adresuar, janë çështjet e sigurisë përfshirë këtu edhe këshillimin për seks më të sigurt. Pas këtij stadi, lidhjet e para paraqiten si preokupim qendror i pacientit. Këtu janë të spikatura aspektet klinike të varshmërisë, të izolimit dhe mosrespektimit të udhë rrëfimeve për seks më të sigurt. Me të arritur integrimin, shqetësimet kryesore klinike vështirë se më mund t'iu referohen orientimit seksual të personit, përveç në situatat e stresit ose të traumës. Në situatat e tilla, shqetësim kryesor klinik bëhet regresioni në stadet e mëhershme të konflikteve.



Homoseksualiteti në Shqipëri në shek. XIX

Praktika e homoseksualitetit në Shqipëri ka një histori të gjatë dhe ka vazhduar në shekullin XIX. Hahn, në kursin e librit të tij *Albanische Studien* ka thënë që djemtë e rinj të moshës 16 deri 24 kanë joshur djemtë e moshave prej 12 deri 17 vjeç.

Në literaturë dashnori apo **eromenosi** është quajtur **ashik** (nga arabishtja *ishq* që do të thotë "*dashuri e pasionuar*") dhe i dashuri apo **erastesi** është quajtur **dylber** (nga turqishtja *dilber* që do të thotë "*i bukur*"). Një gegë i martuar në moshën 24 apo 25 vjeç, zakonisht por jo gjithmonë ka hequr dorë nga dashuria për një djalë. Paragrafi i mëposhtëm është raportuar nga Hahn si gjuhë aktuale e përdorur tek ai nga një gegë shqiptar:

Ndjenja e dashnorit për një djalë është e dëlirë sikur rrezja e diellit. Kjo e vendos të dashurin në pedestalin e njëjtë sikur të shenjtin. Është pasioni më i lartë dhe më madhështor për të cilën zemra e njeriut ka aftësi. Pamja e rinisë së bukur ngjall mahnitje te dashnori dhe hap derën e zemrës së tij për adhurimin, të cilin e lejon soditja e kësaj dashurie. Dashuria merr në tërësi zotimin e tij, saqë gjithë mendimi dhe ndjenjat e tij shkojnë jashtë tij. Nëse e gjen veten në prani të të dashurit, ai pushon duke absorbuar dhe duke e shikuar në sy atë. I hutuar, ai nuk mendon asgjë tjetër përveç tij. Nëse i dashuri paraqitet në mënyrë të paparashikuar ai hutohet, ndryshon ngjyrat herë bëhet i zbehtë e herë i kuq. Zemra e tij rreh më shpejtë dhe pengon frymëmarrjen e tij. Ai i ka veshët dhe sytë vetëm për të dashurin. Ai shmang prekjen e tij me dorë, e puth atë vetëm në ballë, i thur lëvdata në vargje, që për femrën kjo nuk ndodhë kurrë.

Një nga këto poema të dashurisë të një shqiptari gegë është si në vijim:

"Dielli, kur lind në mëngjes, është sikur ti, djalë, kur je afër meje. Kur syri yt i zi më shikon mua, e heq arsyen nga koka ime."



Duhet shtuar se profesori Weigand, i cili i njihte shumë mirë shqiptarët, e ka siguruar Bethe (Rheinisches Museum für Philologie, 1907) që lidhjet e përshkuara nga Hahn janë vërtetë seksuale edhe pse me karakter të idealizmit. Shkollari gjerman, i cili ka udhëtuar nëpër Shqipëri disa vite më herët, gjithashtu e ka siguruar Näcke (Jahrbuch für sexuelle Zwischenstufen, 1908) se ai plotësisht mund të konfirmojë pohimet e Hahn-it edhe pse ishte e vështirë të flitet pozitivisht, ai dyshonte që këto lidhje ishin plotësisht ideale. Edhe pse shumë e shpeshtë në mesin e shqiptarëve mysliman, këto gjithashtu u gjetën edhe te shqiptarët e krishterë dhe kishin bekimin e priftit në kishë, në një ceremoni të njohur si **vëllamëria** (nga gjuha shqipe *vëlla* dhe *marr*), ngjashëm me grekët **adelphopoiia** ("krijimi i vëllazërisë"). I njëjti shkrimtar shkruan: shumë shpesh ngjallej xhelozia dhe mund të shkactohej edhe vrasja për shkak të një djali. (Havelock Ellis, *Studies in the Psychology of Sex, Sexual Inversion*).

Këngëtari i grupit “Queen”, Freddie Mercury

5 shtator 1946 - 24 nëntor 1991

Freddie Mercury u lind me emrin Farrokh Bulsara në ishullin e Tanzanisë, Zanzibar.

Për herë të parë Mercury mësoi të luante në piano në Indi, në shkollën Shën Pjetri. Në vitin 1964 kur ishte 17 vjeç, Revolucioni i Zanzibarit e detyroi atë dhe familjen e tij që të shkojnë në Angli. Atje ai diplomoi në art dhe dizajn grafik në kolegjin “Ealing Art”. Më vonë ai e përdori talentin e tij për të dizajnuar shenjëën e grupit të famshëm “Queen”.

“Frontmeni” i “Queen”:

Këngëtar, shkrues i vargjeve, pianist dhe vokalist, Freddie Mercury ishte “frontmeni” më i famshëm i grupit britanez “Queen” i famshëm për këngët “Bohemian Rhapsody”, “Crazy Little Thing Called Love” dhe “We Are the Champions”.

Freddie Mercury gej: Freddie Mercury kishte një lidhje me një grua, Mary Austin, pavarësisht nga orientimi tij seksual. Freddie Mercury doli publik më 12 mars të vitit 1974 në një intervistë në *New Musical Express*. Ai tha për revistës muzikore, “Unë jam aq gej sa edhe narcisi i egër”. Ai jetoi me partnerin e tij të fundit, Jim Hutton, për gjashtë vjet.

Freddie Mercury dhe AIDS-i: Mercury u diagnostikua me AIDS në vitin 1987, por ai e mohoi publikisht këtë deri një ditë para vdekjes së tij, në nëntor të vitit 1991. Mercury vdiq nga pneumonia bronkiale

për shkak të komplikimeve të AIDS-it. Ai ishte 45 vjeç.



Faktet për Freddie Mercury-in:

Vokali i Mercury-it shtrihej në katër oktava;

Mercury asnjëherë nuk kishte pasur trajnime të mëhershme për vokalin;

Mercury u rendit në vendin e dytë në listën e MTV-së, ndër 22 këngëtarëve më të mirë të 25 viteve të fundit;

Mercury ishte përmendur në shënimet e Kurt Cobain para se të bënte vetëvrasje;

Mbetjet e hirit të Freddie Mercury-t nuk dihen se ku janë;

Mercury ia la pasurinë e tij shoqes së tij Mary Austin;

Mercury vdiq në të njëjtën ditë kur vdiq edhe bateristi i grupit KISS, Eric Carr.

Lajmet më të fundit për Freddie Mercury-in:

Më 25 gusht 2006 një grup i quajtur Shoqata e Zanzibarit për propagandimin dhe mobilizimin e Islamit, kërkoi nga ministria e kulturës të Zanzibarit që të ndalojë ahengun e planifikuar në plazh për të nderuar ditëlindjen e gjashtëdhjetë të Freddie Mercury-it. Grupi konsideron se “stili i jetës” së Mercury-it ishte pompoz dhe ofendues për popullatën myslimane të Zanzibarit.

Kabineti italian shqyrton ligjin për bashkëjetesë civile

Kabineti i kryeministrit italian Romano Prodi, të enjten ka aprovuar ligjin e krijimit të bashkësive civile për çiftet gejë dhe lezbike.

Pritet që ligji t'i prezantohet parlamentit më së voni gjatë këtij muaji, vetëm se për vetësimi i tij është pezull. Koalicioni i majtë i Prodit ka një shumicë të vogël, kurse opozita e djathtë e kryesuar nga Silvio Berlusconi e bashkuar me Vatikanin janë kundër këtyre masave.

Vlerësohet arritje e madhe edhe fakti që Prodi siguroi aprovimin e kabinetit. Qeveria e tij, të cilën e përbëjnë koalicioni i nëntë partive të vogla, ka disa muaj që diskutojnë rreth bashkësive civile. Komunistët bëjnë shtypje që të lejohen të gjitha të drejtat bashkëshortore, deri sa partia UDEUR kundërshton të gjitha legalizimet.

Disa anëtar të kësaj partie kanë paralajmëruar se do të votojnë kundër këtij ligji në parlament, me qëllim të rënies së qeverisë.

Ligji i bashkëjetesës civile nuk është aq i gjatë sikur ligji Britanik, i cili njeht të gjitha të drejtat bashkëshortore vetëm që nuk është i emëruar, por konsiderohet si i njëjtë me ligjin francez i cili çifteve njëgjimorë iu jep të drejta të kufizuara.

Ky ligje do t'i lejojë të shënohen në regjistër dhe t'i ndahen pensione, sigurime shëndetësore, të nënshkruajnë marrëveshje dhe do t'i barazon me çiftet e martuar rreth amvisërisë.

Senati italian në dhjetor ka dhënë propozim ku nga qeveria pritët që deri në fund të janarit të arrihet ligji. Propozimi u dha një ditë pasi që në qytetin verior Padui u vendos të bëhet regjistri i



amvisërive njëgjimorë dhe çifteve heteroseksuale të pakurorëzuara.

Më vonë Senati i lejoj qeverisë zgjatjen e afatit, por Vatikanin ka kundërshtuar dhe cenuar ligjin.

Papa Benedikti XVI muajin e kaluar tërhoqi vërejtjen krijuesve të ligjit se do t'i përdort të gjitha format për të ndikuar në ngadalësimin e planifikimit të legjisllacionit për krijimin e bashkëjetesave civile.

Projektet të cilat lejojnë para kohe pranimin e bashkësive (të cilat janë ndryshe nga ato tradicionale) kanë ndikim të rrezikshëm dhe kundër produktiv, sepse me këtë dobësojë dhe destabilizojnë ligjet e krijuara në martesë, deklaroi një peshkop në mbledhjen e drejtuesve të të gjitha kishave lokale të tërë Italisë.

Prodi përkrah të drejtat e arsyeshme për çiftet njëgjimorë prej vitit 2005, që kur ka pasur takim me aktivistët gejë, por kundërshton martesat gejë.

Pesë kandidat LGBT janë zgjedhur të jenë në parlamentin italian, të gjithë janë pjesë e së majtës qendrore, duke përfshirë edhe personin e parë transeksual në Parlament.

Meksiko Siti miratoi ligjin për parterët njëgjjinorë

Ligji i cili njeht të drejtat popullore për çiftet gejë-lezbike në kryeqytetin Meksikan është lajmëruar në listë zyrtarisht me 14 nëntor, dhe ky është një ndër ligjet e para të këtij lloji në historinë e një shteti pro katolik konservator.

Ligji nuk lejon martesat gejë-lezbike, por iu lejon çifteve njëgjjinorë të cilët jetojnë në Meksiko Siti të regjistroheshin zyrtarisht dhe t'i shfrytëzojnë të drejtat e trashëgimisë si të gjithë bashkëshortët/et.

Kryetari i qytetit Aleandro Ensinas e ka firmosur këtë ligj, por ai do të hypë në fuqi mbas 120 ditëve. Vetëm një organizatë joqeveritare konservatore shprehi pa kënaqësi dhe ngriti padi gjyqësore kundër këtij ligji. Ligjin disa herë e kanë kritikuar kisha katolike dhe grupet konservatore të këtij vendi që është i banuar më se 90% me popullatë të besimit katolik. Peshkopi i Meksiko Silit

theksoi se ky ligj është hap i parë ka legalizimi i martesave gejë dhe përvetësimi i fëmijëve nga ana e personave LGBT ku homoseksualiteti ende në shumë vende rurale të Amerikës jugore është temë tabu, për kundër zonave urbane të këtij regjioni që janë më tolerante.

Përveç Meksiko Silit në këtë drejtim legalizimin e çifteve njëgjjinorë e kanë bërë edhe kryeqyteti i Argjentinës (Buenos Aires) dhe shteti jugor Brazilian, Rio Grande do Sul. Në kuadër shtetëror ligjvënësit e Kosta Rikos dhe Kolumbisë e kanë shqyrtuar këtë çështje, por ende nuk është miratuar ligji.

Parlamenti i Meksiko Silit e ka miratuar këtë ligj me 43 vota pro dhe 17 kundër, të gjitha votat kundër kanë ardhur nga partia konservatore e cila është e njohur me kundërshtimet kundër abortit dhe përkrahëse e fort e familjeve tradicionale.



Çiftet gejë në Kolumbi fitojnë më shumë të drejta


Çiftet njëgjimorë në Kolumbi kanë filluar të fitojnë përkrahje.

Gjykata kushtetuese e këtij shteti jug amerikan ka sjellë vendim që çiftet gejë dhe lezbike duhet të fitojnë të drejta për patundshmëri të njëjta sikur heteroseksualët.

Gjykata ka ndryshuar definicionin legal për çiftet e pamartuar, sepse ligji i vitit 1990, i cili ju jep të drejtë patundshmërisë sipas pronarit të tokës dhe trashëgimisë pas vdekjes së një partneri/e, i dedikohet vetëm "burrit ose gruas"

Gjykata me vëmendje vë në pah se ky vendim automatikisht nuk jep të drejtën për formimin e bashkësive bashkëshortore. Parlamenti Kolumbian momentalisht shqyrton ligjin me të cilin çiftëve njëgjimorë do t'i mundësohet regjistrimi dhe dhënia e shumë të drejtave të cilat i kanë bashkësitë bashkëshortore.

Megjithatë, aktivistët këtë vendim e përjetojnë si hap të madh përpara, i cili do të ketë ndikim në afro 100.000 çiftë njëgjimorë.



Gjykata theksoi se ligji duhet të jetë neutral ndaj gjinisë.

Sipas ligjit, çiftët njëgjimorë të cilët kanë dëshirë ta ndajnë pasurinë është dashur të hapnin kompani, në emrin e të cilit duhet të jetë pasuria, sikur edhe ta bind ndarjen e pasurisë sipas kompanisë. Në fakt edhe atëherë nuk ka qenë plotësisht e garantuar që mbas vdekjes së njërit partner/e pasuria ti takoi atij/asaj që është gjallë.

Megjithatë, theksojnë se Kolumbisë i nevojiten më shumë këso lloj ligje për barazi.

"Ligjet nuk janë të mjaftueshme, nevojitet ndryshimi i kulturës ... për ta ndaluar diskriminimin", tha Marcela Sanqez nga Grupi LGBT Colombia Diversa.

Kisha katolike kundërshton ligjin e ri dhe vendimin e gjykatës e quan si "Kundër-familjar"

Infeksionet seksualisht të transmetuara - IST

Morrat Pubike

Çka është Pedikuloza gjenitale?

Pedikuloza gjenitale është infeksion i shkaktuar nga parazitët - Morrat pubik - që kapen për qimet pubike dhe në qimet e tjera të trupit.

Për të mbijetuar këta morra iu nevojitet gjaku por ata mund të mbijetojnë deri në 24 orë jashtë trupit të njeriut.

Morrat pubik i kanë tri faza të zhvillimit:

- Faza e parë janë vezë ose thërrija;
- Faza e dytë është morri në zhvillim;
- Faza e tretë morri i rritur;

Si transmetohen Morrat pubik?

Ka dy forma të transmetimit: seksual dhe joseksual.

Transmetimi seksual:

Ju mund t'i merrni morrat, sa herë që pjesët e trupit tuaj të cilat janë të mbuluara me qime, siç është sipërfaqja pubike, vetullat, mjekra, gjoksi edhe nën sqetullat, vijnë në kontakt me qimet e mbushur me morra. Morrat pubik nuk kapen në flokë.

T r a n s m e t i m i
joseksual:

Gjatë transmetimit joseksual ju mund t'i merrni morrat edhe nëse:

- Flini në një shtrat të mbushur me

morra dhe nëse përdorni peshqirë të mbushur me morra;


- Visheni me rroba që janë të mbushura me morra;
- Në raste të rralla ju mund të mbusheni me morra edhe nga ulëset e tualetit;

Cilat janë simptomat e Morrave pubik?

- Simptoma më e zakonshme është kuarja në pjesët pubike. Kjo komë vjen si shkak i reaksionit alergjik nga kafshimi i morrave dhe përafërsisht fillon pesë ditë pas mbushjes me morra;
- Morrat janë parazitë të vegjël por ju mund t'i shihni edhe me sy për së afërmi;
- Si rezultat i kafshimeve në pjesët ku morrat ekzistojnë, paraqiten pika të mavijosura të kaltra, të cilat zgjasin disa ditë;

Diagnostikimi i Morrave pubik?

- Zakonisht ju mund t'i shihni ato nëse i shikoni për së afërmi;
- Nëse nuk jeni të sigurt vizitoni mjekun;



Si trajtohen Morrat pubik?


Ekzistojnë krema dhe shamponë për tretman të Morrave pubik. Ju këshillojmë që këto krema dhe shamponë t'i merrni vetëm me

rekomandim të mjekut.

Edhe nëse trajtimi është i suksesshëm ju mund të keni akoma kromë si shkak i iritimit të lëkurës.

Çfarë duhet të dimë tjetër që mos të mbushemi me Morra pubik?

- Edhe pas trajtimit shumë thërija mbesin në qime por ju mund t'i largoni me brusha dhe krehër;
- Pas trajtimit, gjithnjë të vishni rrobe të pastra dhe flini në shtretër të pastër;
- Njoftoni partnerët tuaj seksual që të trajtohen edhe ata;
- Abstenoni nga seksi deri sa ju dhe partnerët tuaj të pastroheni plotësisht;
- Edhe pas trajtimit



rrobat dhe shtrati juaj mund të jetë akoma i mbushur me morra. Që t'i largoni morrat ju duhet që t'i lani të gjitha rrobat dhe shtratin tuaj në ujë me temperaturë mbi 60 gradë celsius dhe të thahen mirë;

- Nëse trajtimi nuk ka pasur sukses ju duhet që përsëri ta kontaktoni mjekun;

Si duhet të veprojmë që të mos mbushemi me Morra pubik?

- Abstenimi nga seksi;
- Marrëdhënia seksuale vetëm me një partner, i cili bën seks vetëm me juve;

Përdorimi i kondomëve nuk ndihmon në mbrojtjen kundër morrave. Kondomët janë efektiv në parandalimin e infeksioneve tjera seksuale.

Zgjeba

Çka është Zgjeba?

Zgjeba është infektim i lëkurës e shkaktuar nga paraziti *Sarcoptes Scabiei*. Disa orë pas infeksionit paraziti femëror vendoset nën lëkurë dhe i lëshon vezët dy deri në tri vezë në ditë, përafërsisht pas dhjetë ditësh nga këtë vezë krijohen parazitët e rinj, dhe ky cikël vazhdon duku u përsëritur.

Paraziti i zgjebes jashtë trupit të njeriut mund të jetojë prej 48 deri në 72 orë. Ndërsa në trupin e njeriut paraziti femëror mund të jetojë deri në një muaj.

Si transmetohet Zgjeba?

Zgjeba mund të transmetohet në mënyrë seksuale dhe joseksuale.

Mënyra seksuale:

Mënyra seksuale e transmetimit bëhet nëpërmjet kontaktit fizik. Transmetimi mund të ndodhë më lehtë nëse partnerët e kalojnë natën sëbashku sesa një marrëdhënie seksuale e shkurtër.

Mënyra joseksuale:

Nuk është i nevojshëm kontakti seksual

që Zgjeba të përhapet, transmetimi mund të ndodhë edhe nëpërmjet kontaktit me: shtrorjen e shtratit (çarçafët, mbulesa e jastëkut, jorgani, batanijet etj), me mobilet (kauçi, kolltuku, karrigia, divani etj).

Zgjeba nuk mund të transmetohet nëpërmjet: përfaqimeve, shtrëngimit të dorës ose me objektet siç është ulësja e tualetit.

Kur paraqiten simptomat?

Nëse personi është infektuar për herë të parë, simptomat paraqiten përafërsisht katër deri gjashtë javë pas infeksionit. Nëqoftëse personi ka qenë më parë i infektuar me zgjebe, simptomat do të paraqiten prej një deri katër ditë pas infeksionit.

Cilat janë simptomat e Zgjebes?

- Kroma e pandërprerë që zakonisht gjatë natës bëhet me e ashpër;
- Formimi i shtrifullës së parazitëve

- zakonisht në formë të shkronjës "S";
- Paraqitja e dëmtimeve siç janë: gungat me ngjyrë të mbyllët, puçrrat dhe shpërthimi i tyre;

Sipërfaqet më të zakonshme të paraqitjes janë:


Hapsirat në mes të gishtërinjve, sipërfaqet pubike, nën sqetullat, bërrylat, gjunjët, pjesa e poshtme e vitheve, penisi, bishti, pjesa e barkut etj.

Si diagnostikohet Zgjeba?

Ekzistojnë metoda të ndryshme të diagnostikimit. Nëse dyshoni se e keni zgjebën menjëherë lajmërohuni te mjeku përkatës.

Si trajtohet Zgjeba?

Ekzistojnë krema të ndryshme për trajtimin e Zgjebes. Ju këshillojmë që këto krema t'i merrni vetëm me rekomandim të mjekut.



Shoqata "Elysium" është organizatë joqeveritare e themeluar në vitin 2002 me synim për të punuar intensivisht në fushën e të drejtave të komunitetit gej në Kosovë, duke besuar se në një shoqëri demokratike janë të domosdoshme të gjitha alternativat që japin kontributin e tyre në fushën e të drejtave dhe lirive të njeriut.

Synimet kryesore të shoqatës janë:

- Forcimi dhe ngritja e vetëbesimit në komunitetin gej;
- Promovimi dhe mbrojtja e të drejtave të komunitetit gej;
- Krijimi i rrethit tolerues në shoqërinë tonë;
- Lobimi me OJQ-të e tjera për të plotësuar ligjet kundër diskriminimit të bazuara në Konventat Ndërkombëtare të të Drejtave të Njeriut;
- Monitorimi i institucioneve ligjore dhe gjyqësore në aplikimin e ligjeve kundër diskriminimit të aplikuara në Kosovë;
- Përkrahje dhe këshillim për personat gejë;
- Sensibilizimi dhe dhënia e informatave të drejta për personat gejë te popullata e përgjithshme e Kosovës nëpërmjet medimeve të ndryshme të informimit;

Botues:
Shoqata "Elysium"



elysium@gaykosova.org

www.gaykosova.org

Financuar nga:



SWEDISH INTERNATIONAL DEVELOPMENT
COOPERATION AGENCY

